



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 4. Statuta Riculfi Suessionensis.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

- Sæculum IX.  
A.C. 889.
- dum esse velum monasticum, & in carcerem Monasterii esse mittendas, ubi arcto pane & aqua brevi contentæ esse juberentur, donec satisfacissent. Diacono, sacrilegii convicto, ministerium interdicitur, carceri includatur, & omnes pro ipso orent. Cum quidam Presbyter nobilem suæ parochiæ feminam, quæ a marito discesserat, & adulteræ fratrem, flagitii complicem, a scelere revocare conatus fuisset, probrose mutilatus fuerat. Igitur conscii ad iudicium vocati, & contumaces excommunicati sunt. Præterea quidam alii aliorum criminum rei nominatim excommunicati.
- c. 10. Veteres etiam Leges, ne quis cum excommunicatis communicet, renovantur;
- c. 12. Servi tamen eorum, Liberti, & Vasalli excipiuntur.

## §. IV.

*Statuta Riculfi Sueffionensis.*

- tom. 9. Conc. Riculfus Episcopus Sueffionensis Parochis suis anno octingentesimo octogesimo nono Constitutiones dedit superiorum Conciliorum Regulis admodum consentaneas. Continent vero etiam
- n. 3. particularia notatu digna. *Magna cura & devotione, inquit, cantate Horas Canonicas, Primam, Tertiam, Sextam, Missam, quam quotidie celebrabitis, Nonam, Vesperas, Completorium & Officium*



Sæculum IX. statim post Baptismum Fidelibus præbeatur, quod JESUS CHRISTUS utrumque pariter necessarium (\*) pronunciaffet. Parochi Pœnitentium publicorum curam maximam gerant, & eos nec pecuniæ cupiditate victi, nec familiaritatis aut amicitiae studio, ante tempus completum ad reconciliationem adducant, sed nec odio aut avaritia ducti, quod absit, causa sint, ut ea plus justo differatur. Duos etiam vel tres Clericos habeant, qui cum eis Missas celebrent, & populum salutantibus respondeant. In calice aquam vino misceant, & sciant, quod in hoc Mysterio verus (\*\*) Sanguis Domini Nostri consecretur. Paro-

A. C. 889.

Joan. 3. 5.

6. 54.

n. 8.

(\*) In ipsa Riculfi Constitutione, Act. Conc. Edit. Paris. referuntur verba Sacrae Scripturae: Quoniam qui dixit: *Nisi quis renatus fuerit ex aqua & Spiritu Sancto non intrabit in Regnum Cælorum*, ipse dixit: *Nisi manducaveritis Carnem Filii hominis, & biberitis ejus sanguinem, non habebitis vitam in vobis*. Non inepte argumentatur Riculfus Episcopus. Sed Ecclesia primum Mandatum de Necessitate medii, alterum, de Necessitate Præcepti esse docet. Cum enim homo baptizatus, ac proinde in Gratia constitutus, a Regno Cælorum excludi non possit, Verba JESU CHRISTI, Carnem Filii hominis manducari præipientis, de necessitate medii explicari vix possunt.

(\*\*) Verba Constitutionis, in Act. Conc. sunt:  
*Verum*

Parochi sic ruralibus & ceteris negotiis temporalibus inserviant, quatenus Divinum Officium non negligant. Pueros in schola sua solícite erudiant, puellas vero docendas ne utiquam suscipiant. Pro sepeliendis mortuis xenia non petant; si quid autem libere offeratur, id liceat accipere. In Calendis uniuscujusque mensis Parochi per singulas Decanias conveniant, non ut convivia adornent, sed ut de rebus ad ministerium suum pertinentibus, & de iis, quæ in parochiis suis accidunt, consultant.

Sæculum IX.

A.C. 890.

n. 16.

n. 19.

n. 20.

## §. V.

*Ludovicus Rex Provinciæ.*

Anno sequente octingentesimo nonagesimo, Indictione octava Bernoinus Archiepiscopus Viennensis, Romam profectus, Pontifici exposuit, quanta calamitate Regnum premeretur, ex quo Carolus Imperator obiisset. Nimirum Incolæ sine Domino erant, qui Regionem in potestate haberet, ipsosque hinc a Normannorum latrociniis, inde a Saracenorum furore liberaret. Cum hæc percipere-

to. 9. Conc.

p. 424.

*Verum Domini Corpus procul dubio in veritate conficitur. Riculfus Episcopus Sueffionensis in Sæculo IX. Realis præsentia Corporis Christi in Evcharistia contra Protestantes testis est luculentus.*